



10869

蕉林詩集

真定梁清標



五言絕句一

南苑闕武廳 制

御苑奮龍驤鳴鏡擁貝裝禮成仙仗肅 天子自  
垂裳

宿山驛

寂寥山驛宿茅屋幾人家落日奔山鬼開門散凍

鴉

蕉林詩集

五言絕句一

野望

莽莽落日黃朔風吹古道登高眺所懷極目沙場

草

村夜

嶺雲沉浦月山店聽鶉鷓何事隣春急村燈對雨

孤

山夜

疎燈寒驛夕昏霧宿林梢何處搖歸夢空山響落

巢



署中偶作

瓜枕百感生無眠空仰屋披衣視繁星栖鴉滿庭  
木

種蕉

種蕉向北窓陰陰下夕景倏覺草堂寒涼月掛窓  
影

種竹

窓下種琅玕時聞青玉響一夕風雨生身臥滄江  
上

蕉林詩集

五言絕一

二

夏夜

晚涼翻似水客去漏頻催散帙疎燈下高城急雨  
來

齋雨

涼雨入虛檐披襟自瀟灑芭蕉浙瀝聲似與幽人  
話

種竹

雨過種琅玕清陰映窓几孤懷難向人亭亭對君  
子

寄諸弟侄

書屋蕭蕭竹殷勤望汝看新篁生幾尺爲我報平安

二

秋月當樓滿梧桐影最宜預裁金井畔莫悞月明時

三

苦憶西村好東風放海棠主人今遠別是否舊春光

光

蕉林詩集

五言絕一

三

四

郊亭春水生窓檻須先補莫待芰荷風且聽榆莢

兩

五

山居聞有約逸興欲翻飛他日投簪去相携入翠微

六

蕭瑟逢寒食寧忘聽雨心謝家春草句遲爾對床

吟



題畫

空巖生白雲古木飛紅葉秋色滿霜林欲理看山  
屨

題秋山蕭寺圖

拂面來遙青白雲何縹緲一鐘山寺微秋入匡廬  
曉

夏夜苦熱因作遠想走筆爲詩用解暑渴

小院氣如蒸冰紈不停手何時一釣竿去逐烟波

叟

蕉林詩集

五言絕一

五

二

漠漠東華塵揮汗日盈把安得萬樹槐披襟坐其

下

三

鏤石嘆驕陽炙手一何烈願言駕雲輶去踏峩峩

雪

四

幾夜瀟湘雨湖山一片秋逝將解組去濯足大江  
流

五

車馬日過門居室一何陋攬衣千仞岡天風吹兩袖

六

枕熱夜無眠新月窺我牖欲登百尺樓舉手摘牛斗

渡黃河望後舟不至

五兩風聲急停橈佇立頻舟師喧不定愁殺渡頭人

蕉林詩集

五言絕一

六

江月

山晴夜寂寥波定魚龍冷半輪落空江亂流弄清影

始見梅花

看  
萬里銷魂夜折來瘦影寒忽驚春已近畱作靚粧

清溪道中

裏  
逆流上急灘春風剪江水半嶺鎖寒烟猿嘯白雲



二

客懷正蕭森春草生江浦袖染清溪雲帆載南華  
雨

三

綠滿清溪道頻聞多荔枝何時紅入眼寂寞去颿  
遲

四

春雨江如畫波搖石氣蒼人方離瘴海景已入瀟  
湘

蕉林詩集

五言絕一

七

會亭驛喜幼平表第來迎口占二首

驛舍初冬別連朝望汝來面顏爭似舊爲我拂塵  
埃

二

江上驚烽火中州尚小康第來增笑語如已到家  
鄉

代柬荅郝復陽送雪

良朋貽碎瓊其味清且旨澹然君子交許我心如  
水

題扇面花渚遊魚

冷  
錦鱗泳銀塘尋香弄清影沿溪樹樹花流入春波

二

雨  
雪消春水生遊魚粲可數東風不解愁吹落紅妝

三

想  
莊子愛觀魚悠然愜心賞誰圖尺寸間頓生濠濮

蕉林詩集

五言絕一

八



蕉林詩集

真定梁清標玉立甫著

六言絕句一

行旅

坐久不知漏永起看月淡星低屋下厨人夜語籬  
邊櫪馬寒嘶

二

昨夜苦吟未了幾更荷暗銀缸睡足渾忘作客日  
高紅上山窓

蕉林詩集

六言絕句一

三

盡日不離巖壑寒雲自抱長川夜坐驛亭殘月曉  
行山店疎烟

夏日

午夢南窓栩栩琴書北牖蕭蕭恠底清風徐至簾  
前雨滴芭蕉

二

暑雨蒼苔砌滿夕陽遠樹蟬鳴閉戶拋書獨坐落  
花吹上桃笙

二  
朝罷披襟高臥興來散帙焚香竹樹半窓影亂  
居然烟雨瀟湘

四

掠水蜻蜓初去尋香蜂蝶旋來爲問紛紛何事紫  
薇昨夜花開

夏日遣興

歌枕閒看翠竹垂簾漸過斜曛盆內遊鱗挾雨煙

間小石生雲

蕉林詩集

六言絕一

二

雨後不除砌草風前任落檐花謝客雖非蔣徑閉  
門疑是陶家

三

退食每防剝啄巡簷喜見花開無事焚香獨坐笑  
看燕子歸來

四

竹塢蕉窓自韻牙籤棊几常幽高枕愁聞襪襪折  
腰懶說公侯



五

閱世止堪白眼傳家獨有青箱細雨涼生竹簟安  
疑人在羲皇

六

苦旱何妨避暑多愁莫漫書空安得清泉茂樹披  
襟謾謾松風

登舟

兩月鷄聲驛館一朝帆挂江風寄語聞中有夢莫  
教誤覓花驄

蕉林詩集

六言絕一

三

廣州舟式頗佳

面面空明畫舫珠簾掩映輕衫謾道長廊水閣何  
如簫鼓春帆

過彈子磯

暝色青榕樹裏東風彈子磯前夾岸鶯花送客滿  
天烟雨歸船

二

誰把青天鑿破削成石壁中流鳴礮衆山皆響亂  
雲幾縷牽愁

舟發南安見梨花

泪墮江干候吏魂銷水驛人家昨日風催嶺客今  
宵雨打梨花

過南康縣

細雨樟陰漠漠孤城烏語關關下水歸帆一瞬  
中看遍春山

荻港

玉漱紅生古寺荆扉飽飼春蠶荻港暄風柳絮落  
花曉雨江南

蕉林詩集

六言絕

四

二 相傳故寧南屯兵處

當日光搖組練黑雲陣壓磯頭寂寞將軍戰馬  
今江上人愁



蕉林詩集

真定梁清標玉立甫著

七言絕句一

春日

啼鳥聲聲怨暮春  
客中貧病對芳辰  
清郊見說多車馬  
碧草沙堤愁殺人

二

曉窻春雨尙高眠  
市上衝泥車馬闐  
濁酒一尊深閉戶  
須知吏隱卽神仙

蕉林詩集

七言絕句一

三

拋鞚曾追俠少場  
黃鸝斗酒未荒唐  
比來氣盡如新婦  
媿向并州問葛疆

四

風吹列戟五侯家  
香暖歌鐘霧影斜  
當日朱樓花自落  
蕭蕭春晝繞啼鴉

春暮報國寺始見杏花

閉戶不知春色好  
松門紅映幾枝斜  
可憐遲暮風塵客  
綠遍郊原見杏花

春懷

飛塵漠漠滯燕臺，獨坐春風雙燕來。此日故園頻  
載酒，城西村裏杏花開。

二

海棠共說韋祠好，悵望城南靜掩扉。多少五陵遊  
冶客，春衣爭試玉驄肥。

春雪

泥深車馬自遊盤，燕市飄風二月寒。獨喜捲簾春  
雪下，香爐茗椀靜中看。

蕉林詩集

七言絕一

二

南苑闕武應制

組甲輝光七校屯，鷄班曉奉屬車塵。園開一騎紅  
雲裏，遙望黃衣識聖人。

瀛臺卽事步高念東少宰韻

水雲曉入漢宮圖，風動長林鳥自呼。徒倚畫橋泉  
百尺，蕭然身已在江湖。

石門驛道中

石門亂石水粼粼，野館鷄啼喚客頻。殘雪千山行  
旅夜，曉霜兩鬢渡河人。



雜詠

岩巖青壁削雲隈野燒遙連烽火臺衝雪外藩多  
貢使月明驅馬度關來

二

邊城戍卒枕瑠戈草白沙黃獵騎多報道將軍行  
塞外層冰夜渡黑羊河

三

古來猛士擅漁陽少壯丁男射虎狼一曲關山羌  
笛裏龍沙片月白如霜

蕉林詩集

七言絕一

三

四

漢家十萬騎連營鞞鼓風生右北平當日論功飛  
將最祇今燐火徹宵明

通州

飛虹百尺纜浮橋河上霜風任木橈舟子推蓬棧  
月落半灣漁火夜蕭蕭

潞水偶成

平沙漠漠古城荒吹角轅門起鴈行組練如雲驍  
騎在探丸日暮莫飛揚

山村

覆茆爲屋亂雲鋪雷雨前山似可呼千載薊門形  
勝地寒烟極望已糝糊

盤山訪同年李光泗不遇

憶昔看花傍帝畿十年避弋羨鴻飛登山欲問桐  
江叟風雨冥冥冷釣磯

過香花庵

松門深閉送年華漠漠孤雲伴落霞春色滿園長

不掃東風閒殺碧桃花

蕉林詩集

七言絕

一

四

題王鴻臚海棠畫

小庭芳樹上階紅淡淡輕烟剪剪風絕代佳人驕  
不語徘徊清影月明中

秋夜小集聽彈箏

迢迢河漢澹秋城香滿疎簾酒滿罍一曲涼州華  
月下笑看銀甲坐鳴箏

二月雪

長天雲暗雪皚皚二月河水尙未開曉起推窓寒  
切骨茆齋昨夜凍春梅



送胡菊潭館師致政還山

疏傳辭榮早乞身青門供帳望車塵幾年社稷關  
元老此日峩眉見主人

正月十六夜齋居

馬上傳相事已虛春城不夜竟何如踏歌幾處溶  
溶月愁伴孤燈一卷書

二

隱几空齋夢數驚蕭蕭夜柝起巖城樽餘濁酒燈  
花落門掩千家對月明

蕉林詩集

七言絕一

五

三

短燭虛窓暗復明隔牆夜語數殘更西宮已罷雲  
和曲忽聽誰家爆竹聲

曉起入朝卽事

朝朝羸馬哭

先皇一片鴉飛帶曉霜紫禁歌鐘人寂寞曠曠日  
色滿昭陽

春日送子璧內弟歸里

寒食輕陰送客歸張燈執手各依依遙憐趙苑春

將暮一路楊花作雪飛

二

匹馬遲遲日又昏  
月明人倦臥孤村  
曉來酒醒鬚  
東望疎柳蒼烟是薊門

春郊卽事

郭外風烟斷客魂  
金鞭玉勒走王孫  
田家楊柳垂  
垂綠芳草斜陽晝閉門

二

珠宮紺殿倚寒空  
向日山桃寂寞紅  
齋罷老僧初

蕉林詩集

七言絕一

六

禮懺磬聲遙在白雲中

三

佛香寂寂石堂開  
爲愛幽花未忍還  
小攜圍蔬堪  
共飽開窓落日滿西山

四

溪繞寒陂樹掩門  
茅茨曲曲映朝暾  
鷓鴣立處沙  
隄白疑是江南水竹村

五

西嶺輕寒雪未消  
提壺遡勝玉驄驕  
淡烟古寺臨



春水一半人家在畫橋

六

水邊人面映花紅  
上塚歸來倚岸叢  
翠幄陰陰深不見  
遙聞笑語入東風

七

綠樹青帟傍女墻  
壚頭少婦內家粧  
遊人旣醉忘歸路  
一道泉流帶夕陽

八

翩翩貂錦曉風吹  
細馬香車夾道馳  
舊日五陵多

蕉林詩集

七言絕一

七

意氣飛揚輸與弄珠兒

九

當日朱門邸地空  
茫茫春草恨無窮  
墓碑苔臥無人識  
哭向寒烟野水中

十

畫樓高處故侯家  
誰種青門五色瓜  
春滿園林人不見  
東風吹老海棠花

陳念盡司馬召飲西郊雨阻不赴悵然有作  
閒心欲共鷺鷥盟  
何事泥途輟此行  
好待山晴還

一出雙柑盡日坐聽鶯

燕市

驄馬連錢白玉羈  
手携蘆管盡能吹  
青門薄暮飛塵起  
驕煞長安輕薄兒

題劉淇瞻畫扇

芳草芊芊開淺沙  
夕陽亭子傍溪斜  
幽人不語看春色  
一徑東風落杏花

高粱橋

高粱橋畔水冲融  
載酒行春歲歲同  
朝士開元今

蕉林詩集

七言絕一

八

幾在蕭條垂柳夕陽中

樸庵舅氏自臨洮歸里賦四絕志喜

潺湲洮水送歸人  
喜見家山事事新  
塞上不知行路險  
祇今猶畏說西秦

二

花發蕉林夜坐遲  
相看各訝鬢如絲  
匆匆未盡張燈話  
宵柝聲殘月落時

三

飽歷風霜橐屨空  
歸來且莫悵途窮  
畫圖不假黃



金力縱有蛾眉未敢工

四

冉冉歲華關塞老悠悠岐路滑陽思玉門生入高  
堂健飛將何須怨數奇

長安早秋

薊門烟樹影層層客病鄉愁望裏增忽覺西山來  
爽氣秋風先到漢諸陵

秋日閒居

竹塢無塵短榻幽蕭蕭涼雨下城頭閉門休沐朝

蕉林詩集

七言絕一

九

來嬾花落蟬鳴一院秋

二

露葵曉放兩三枝試茗南窓日影遲欲寄家書慵  
折簡秋聲一片鴈來時

雨中同家兄昭性猶子承篤夜話

樹樹香飄葉葉風聯床共話思無窮家鄉秋老美  
蓉墮人在燕山夜雨中

秋夜

秋雨秋風滿上林小堂秉燭影沉沉長安萬戶寒

衣早多少人家在暮砧

二

耿耿星河秋夜長銀屏桃簟送新涼草堂初醒還  
家夢隔檻風來茉莉香

雨夜

散帙清宵坐未休陰蟲切切忽生愁芭蕉綠暗紗  
窗濕寒雨滿簾燈火秋

立秋

手挈銀鐙照短莎漢家城闕暮笳多虛堂欹枕清

蕉林詩集

七言絕一

十

如水閒看秋星度絳河

二

高城一葉入寒流曠色疎烟滿帝州猶是千年燕  
嶠月白雲不改漢宮秋

秋懷

疎桐露下苧衣涼搗練聲催客思長愁髣那堪秋  
雨墮一簾黃葉泣寒螿

二

女墻倒影水悠悠哀角黃雲玉塞愁朝市不知秋



漸老滿天風葉下蘆溝

三

羅雀門庭草徑斜  
篝燈秋影上窓紗  
朝來大陸西風急  
吹落家山萬樹花

四

晴階寂寂印苔痕  
夢到韓溪水上村  
睡起不知天已暮  
疎鐘落葉月黃昏

五

擊筑悲歌事豈荒  
狗屠名擅酒壚傍  
蕭蕭易水人

蕉林詩集

七言絕一

十一

何處衰柳寒潮下夕陽

六

市駿黃金客有無  
燕昭臺榭入平蕪  
千年禾黍高原在  
風雨茫茫督亢圖

七

伊人渺渺隔蒼葭  
碣石天高見落霞  
自結短籬稱大隱  
小門深閉一闌花

八

西苑秋風向晚多  
芳湖錦纜事如何  
池花落盡無

人管零亂鳧鷖出御河

九

魚塘荻岸水雲寬  
可惜笙歌攬夜闌  
何處空明秋色好  
淡烟涼月在郊壇

十

竹風浙瀝思儵然  
危坐長吟秋水篇  
却憶家園田半熟  
千村涼雨稻花天

秋憶趙郡風物成雜咏三十首

千里桑麻暮靄中  
夕陽城郭下殘虹  
古來百戰遺

蕉林詩集

七言絕一

十三

荒壘秋草茫茫至父宮

二

漠漠溪田接遠峰  
韓河雲黑鎖蛟龍  
水村烟雨無朝夕  
十里黃昏聽暮鐘

三

聞說琅玕滿碧窓  
風枝雨葉響流淙  
空齋自長龍  
雛大小圃全移入楚江

四

漁陽鼙鼓動邊陲  
畱得常山千載祠  
秋到殿門燐



火暗時時陰雨見旌旗

五

黃金招客破齊歸卽墨謀成事已非舊恨興亡同  
劫火望諸墓畔晚鴉飛

六

十里溪流遠市居綠波的的照紅葉村翁刈稻歸  
來晚荻葦烟中看打魚

七

城東別業輞川圖手種垂楊一萬株大麓經秋霜

蕉林詩集

七言絕

一

十三

幹冷綠烟猶似昔時無

八

霜飛河朔罷秋鞦避暑亭荒暮草迷安得中山千  
日酒楓林高臥醉如泥

九

趙璧重完志已諧灑池頭血濺庭階河山無恙人  
千古顧盼風雲起壯懷

十

河北蕭王略地來千秋王氣見高臺祇今遺廟荒

烟裏處處秋風紅蓼開

十一

信陵公子破強秦湯沐猶存歲月新多少平原門  
下客鄙中不識賣漿人

十二

殘暑山村暖氣薰沙汀未到鴈鴻群涼颺一夕來  
蘋末吹墮千峰大茂雲

十三

蕪蕪麥飯事堪論千古君臣重報恩河上秋風亭

蕉林詩集

七言絕一

十四

在否蕭蕭黃葉有孤村

十四

檜栢經霜嶽色寒千年廟貌走祠官古碑苔蝕秋  
嘗罷巖月松風冷石壇

十五

南越功成長百蠻尉陀荒塚枕空山英雄旣去同  
流水樹樹秋聲倦鳥還

十六

風波滿地一漁船何必嚴陵勝冶泉策杖板橋楓



葉路弄簫鳧渚芰荷天

十七

秋城睥睨倚雲霄戰後中原霸氣銷夜雨空山行  
旅過趙陵烟樹莽蕭蕭

十八

握手君臣在草茅一身是膽過雄虢三分事業今  
黃土故里秋風落燕巢

十九

平原風急鴈行高白馬金鞭獵騎豪買醉旗亭新

蕉林詩集

七言絕一

十五

酒熟邯鄲年少解弓刀

二十

北潭臺榭舊巖峩絃管春風夕照多秋冷高原花  
自落至今潭水不生波

二十一

高低秋壠帶平沙松菊猶存半畝斜景是芳菲春  
色好青油幕護洛陽花

二十二

鴉滿疎槐古戰場白頭父老說興亡荒原野燒催

寒早萬里秋陰下太行

二十三

露冷蓮房秋水平村墟日暮搗香秔茆亭面面飛  
槐雨一郡人家入鴈聲

二十四

池塘傍郭草青青鳧鴨群喧亂淺汀曲折雕闌芳  
芷發主人時綴護花鈴

二十五

青苔古刹塔峻嶒貧盡開元寺裏僧夜定鐘聲天

蕉林詩集

七言絕

去

半落千家樓閣上寒燈

二十六

百尺千雲佛閣幽諸天燈火梵鐘秋憑闌忽墮溲  
沱水落葉寒烟帶暝流

二十七

雕丘澹結草堂陰烟水孤亭對碧岑百尺老槐多  
歲月夜深風雨作龍吟

二十八

清流繞蹀碧鬢鬢兩岸蒹葭映遠嵐猶憶月明秋



放舸洞簫吹過畫橋南

二十九

結客場中號紫髯輕裝走馬事  
韜鈴鬪鷄不惜千金負醉後  
飛花落帽檐

三十

斷壁飛樓石磴喚寒泉活活掛蒼巖  
仙成隋玉甌香火長使雲霞護碧杉

秋日憶兩兄家園之樂賦寄

千傾玻璃萬樹蟬幽人夜傍水村眠  
客來載酒爨

蕉林詩集

七言絕一

七

橋上十里芙蓉月滿船

二

油油禾黍動平疇曳杖疏泉菡萏秋  
屋角片雲山市夕溪風吹雨上村樓

三

午橋烟墅石苔斑黃犢車輕自往還  
風定鈴閒白鳥下雨中臥對玉屏山

四

孤飛隻影逐風波兄弟登高事若何  
欲插茱萸興

遠思一天紅葉下溇沱

秋月

水壺濯影靜簾櫳一片秋光入漢宮萬里河山霜  
落後千家樓閣月明中

中秋

輪高雙闕夜娟娟滿院蟬聲早菊天帝里笙歌唯  
此夕瑤臺風露是何年

二

天街如水影西斜澹竹疎欄望月華燈火下樓人

蕉林詩集

七言絕一

六

既醉徘徊吾欲躡青霞

昭性兄歸里

八月繁霜滿薊門歸人驢背逐黃昏孤燈誰共聯  
床話寒雨淒淒落葉村

落葉

斜日閒屏掩薜蘿客懷無奈歲時何小堂寂寂風  
迴慢一枕秋聲落葉多

二

紗窓秋靜罷棋枰忽聽空階浙瀝鳴恠底暗中生



白髮寥寥黃葉最無情

有感

南苑西風老白蘋石梁草沒水粼粼漢家已罷長  
揚獵鹿走宮墻不避人

二

衰柳離宮落日斜荷鋤野老幾咨嗟鼎湖龍去無  
消息猶倚紅門望翠華

三

圖書東壁已封塵筆札猶傳御墨新却憶苑南

蕉林詩集

七言絕一

十九

開講幄夜分中使召詞臣

四

憶昔甘泉扈從時天闕上駟試教騎停驂前席垂  
清問咫尺龍顏日影遲

五

西苑風蒲太液舟侍臣笑語奉宸遊湖光無恙  
遺弓墮落葉殘紅滿御溝

六

帶月宮鴉自往還吞聲萬戶向橋山中宵不喚鷹

坊長羽騎霓旌白晝間

贈吳秋林南歸用芝麓總憲韻

携筇聊從燕市遊  
倦歸江上晚楓稠  
芋袍不染東華土  
滿地風波一釣舟

二

授我畫圖堪臥對  
晴巒瀑布挂長虹  
惟來四座烟霞氣  
疑在江山夕照中

三

兄弟翩翩翰墨香  
時携綵筆賦長揚  
秋風忽繫蓴

蕉林詩集

七言絕一

二十

鱸思八月雙鴻水驛涼

秋林弟亦能謠

孝陵林下偶成次汪亭相國韻

帳外粼粼碧澗流  
孤峰斜日照山樓  
征塵暫息翻忘暑  
萬壑風來六月秋

二

當風布席晚霞天  
坐久中林冒夕烟  
初月一鉤生木末  
星河影落酒樽前

三

連岡張幄傍林居  
好鳥相呼歆枕餘  
擾擾古今真



夢幻臨風欲廢一編書

四

輕陰深樹日從容無事高眠對遠峰  
谷口朝來多紫氣蒼茫遙指孝陵松

夜坐苦雨

小堂水氣滿簾櫳徒倚無眠守燭紅  
烟火長安十萬戶冥冥盡閉雨聲中

壽大叔父

累葉恩榮世所稀戟門霞氣護庭闈  
兒孫競獻南

蕉林詩集

七言絕一

三

山壽堂上先披五色衣

叔祖母九十餘尚健飯

二

建節東方海晏如歸來野服伴樵漁  
延年不假千金藥燈下蠅頭寫道書

三

齊眉廡下自家傳合掌焚香繡佛前  
白首年年花底祝龐公夫婦地行仙

四

秋水芙蓉湛玉壺壽槐千尺曉霜鋪  
香山洛社丹

青在不及雕橋行樂圖

雕橋杖父別業有大柳圖  
繪爲圖

蕉林詩集

七言絕

三





蕉林詩集

真定梁清標玉立甫著

七言絕句二

劉園觀陳伶演秋江劇次雪堂韻

秦青一曲和人難寫出秋江水葉寒搖落渾疑江  
上立不知酒醒是長安

二

千古風流未易尋魂銷羅袖淚痕侵秋來宋玉愁  
何極歷亂燈前此夜心

蕉林詩集

七言絕句二

三

霓裳綽約澹無塵一笑全傾座上人惆悵曲終雲  
影散徘徊欲賦洛川神

四

芙蓉秋影亂平波折柳江頭哀怨多未免有情還  
我輩停杯搔首恨無那

五

聽罷新聲送夕暉行雲斃駐尙依稀分司御史疎  
狂甚誰復開籠放雪衣

六

勝地良朋會此辰十年回首歎風塵白雲紅葉今  
何夕歌舞偏生四座春

七

雛鶯百囀擬輕喉似笑如顰恠底愁他日重尋腸  
斷處沉沉燭影水邊樓

八

詞場玉茗古今師繼起陽春更在斯吏部文章司

馬泪秋塘蕭瑟柳絲

蕉林詩集

七言絕二

二

九

素袂幽香態最宜蕭森况復遇秋期聞歌一夕頭  
堪白千載傷心子野知

十

閒心蕭颯斷諸緣忽漫當歌體欲仙秋水盈盈人  
宛在西風零落芰荷天

題朱天章琴瑟靜好圖

一幅輕綃紫翠鋪帷中調弄似堪呼新悲孫楚淒  
然句虛負山人靜好圖



秋日郊行

一村秋水帶谿烟處處人家急晚田匹馬西風增  
遠思蟬聲萬樹夕陽天

秋日

開門晝掩卽山家散帙焚香日影斜搔首忽驚時  
序改滿階秋色上葵花

題扇壽二叔父

時余兄除休寧令叔父不肯  
隨任

人閒春晝掩松闕丹竈風清野鶴還笑引藜衣新  
墨綬龐公肯出鹿門山

蕉林詩集

七言絕二

許秋厓齋中碧桃開爲賦二絕

市廛深處有烟霞  
芾屋飛飛燕子斜  
門外不知春色好  
短籬開遍碧桃花

無事呼兒引轆轤  
主人幽意在青蕪  
一簾春雨花如笑  
索紙閒臨蚨蝶圖

椒山祠

椒山祠外草萋萋  
苔蝕豐碑鴉亂啼  
遺像空留千載恨  
寒烟晝鎖古城西

忠烈祠

野老吞聲說戰場，孤城瀝血共存亡。  
悲風祠廟原，裏草綠蘋青帶夕陽。

少年行

年少揮鞭控紫騮，自言家住古幽州。  
樽蒲一擲黃金盡，笑擁名姬上酒樓。

二

清霜三尺拂刀環，醉後長歌白晝閒。  
走馬西山邊日暮，滿天風雪放鷹還。

蕉林詩集

七言絕二

四

三

高堂宴罷奏琵琶，射得雙鷗向客誇。  
手擲金錢通貴戚，夜驅白馬宿倡家。

城南放舟

泥融沙暖試青驄，上谷晴烟野望中。  
春在畫橋東去路，溶溶一水酒旗風。

二

斜陽城郭一孤舟，細草輕暄散客愁。  
溪上人家門半掩，鞦韆倒影入春流。



三

日照松門鳥自呼烹鮮沽酒坐平蕪河山依舊春  
如許燕市何從問狗屠

四

金鞭浪逐少年遊一櫂春風起白鷗酒罷莫教隄  
上望家山點點使人愁

遊來青園

東郊綠滿夕陽村松影蕭蕭落酒樽舊榭鶯花迷  
醉客當年歌舞幾人存

蕉林詩集

七言絕

五

二

樓臺虛敞自來青門對桑麻晝不扃燕子還疑王  
謝第遊人爭說醉旗亭

春雨

紙窓孤燭夜熒熒彷彿鄉關夢乍醒恠底春深寒  
到枕暗風飛雨入疎櫺

雨後寄家書

家書一紙思無窮歸路依依楊柳風若問春來客  
邸事白頭夜話雨聲中

春日感興

市居清似野人家  
睡起攤書日影斜  
天遣東風憐旅客  
郎山二月未開花

二

芙蓉堤畔別漁樵  
又見津亭變柳條  
夢醒不知身是客  
暮烟春雨遍河橋

三

水暖沙明古道邊  
關情節序是今年  
城西霽雪南園草  
何處風光不可憐

蕉林詩集

七言絕二

六

四

寂寞相如鬢已皤  
朱樓幾處擁笙歌  
桃花流水人何在  
春草閒門落照多

過日涉園

逶迤芳沼水漫漫  
新綠晴薰滿藥闌  
一上小樓無限思  
斷腸春色客中看

登樓遠眺

漠漠春雲今古同  
燕昭臺畔草連空  
千年易水荒烟裏  
一郡人家晚照中



巳酉除夕

屠麕入手訝春風不寐留連舊臘中多少朱樓簧  
炙暖閉門燈火一衰翁

庚戌元旦

疎窓寒影不成眠曉幕風吹邸舍烟久客敝裘仍  
舊恨隣家爆竹是新年

送郝雪海歸中山

匹馬蕭蕭問索居相逢惜別酒樽餘論文燒燭春  
宵短十載寧須更讀書

蕉林詩集

七言絕二

七

二

朋好年來帳路岐高城對榻漏遲遲嘉山柳色中  
山酒還憶孤燈共話時

三

燕山莫惜醉離觴春水春雲別意長去住與君同  
是客風烟回首各茫茫

四

寒食還家聽早鶯杏花開處見唐城風塵誰遣頭  
如雪送盡春光易水聲

對月

風飄絲管滿城春，獨步柴扃月色新。  
孤影徘徊眼底事，清光迢遞夢中人。

日涉園看海棠

風流司寇日啣盃，每許羊求乘興來。  
何事偏催羈客泪，海棠枝上一花開。

贈陳藹公

剪燭春宵試茗甌，燕山精舍足淹留。  
久推季布千金諾，新上元龍百尺樓。

蕉林詩集

七言絕二

二

才名河朔冠詞場，四壁唯餘一錦囊。  
客裏相逢塵浣盡，春風坐識令君香。

三

獨唱陽春和者稀，且同鷗鳥共忘機。  
金臺買駿荒唐甚，芳草燕山老布衣。

四

風雨孤燈擁敝廬，客來手爲翦園蔬。  
從容仲舉嘗懸榻，寂寞虞卿自著書。



讀藹公文集

風雅榛蕪事可嗟把書快讀午陰斜  
畫圖爭恠王維雪此日中原有大家

寒食

青郊處處提壺出紅袖家家上塚還  
一片落花春不管野風吹入水潺湲

二

禁火人家水上村金羈珠彈走王孫  
曉鶯苦喚思歸夢開盡山桃未出門

蕉林詩集

七言絕二

九

無題

不畫雙眉坐漏深琵琶何處覓知音  
落花飛絮春無主掩淚東風去就心

閨怨

碧窻繡罷倦支頤簾捲晴烟日乍遲  
頻問海棠花早晚花開却憶去年時

二

畫樓春樹影重重女伴尋芳笑語濃  
忽見落花三月雨離愁一線上眉峰

馬上望西山

西山窈窕削芙蓉，樹影嵐光翠幾重。  
傳說葛洪丹竈在，白雲遙指第三峰。

上谷道中

沿堤春水漾晴沙，楊柳風吹小隊斜。  
曉日瞳矓村上市，杏花零落客還家。

二

纔見芳原麥隴青，客懷五月未開扃。  
一鞭曉色愁何在，布穀聲中長短亭。

蕉林詩集

七言絕二

十

三

短後衣輕控紫騮，郎山回首碧烟浮。  
故園千樹桃花裏，粧罷閨人正倚樓。

小憇方順橋

雨霽輕寒半未消，解鞍坐對水雲饒。  
最憐歸路清明後，新柳青青第一橋。

望見定州

趙北燕南樹色分，歸人馬首望斜曛。  
唐河水漲東風急，吹落中山一片雲。



讀郝雪海錦江十六疏

官罷空餘奏草存繡衣能令  
九重尊世人欲殺  
尋嘗事強項生全是 王恩

二

王壘風清霸氣銷歸裝一卷自寥寥生還華表千  
年鶴銘勒成都萬里橋

三

百戰危疆九死身風霜字裏見勞臣功成卻賞江  
潭老 先帝猶思用趙人

蕉林詩集

七言絕二

四

十年清獻不如君何事中山謗篋聞栢府共看真  
御史霸陵誰識故將軍

陳藹公索詩壽傅使君

世傳經學漢儒家五馬庭開舊絳紗載得廣陵橋  
上月來餐大茂嶺邊霞

二

佐郡風流版築才梁園授簡有鄒枚爭傳仙吏來  
何暮春泛滹沱作壽杯

寄郝雪海

有引

雪海侍御約尋二龍之源值有他故不果  
遙望唐水爲之悵然

一水盈盈泛野鷗龍源悵望敢遲留非干苦避白  
蓮社媿負虛停郭泰舟

過羅庄舖有感

雙鬢寂寞傍村狐人面春風玉不殊一曲求凰猶  
未嫁重來陌上是羅敷

登定州城南高臺

俗傳爲慕容舊陵

蕉林詩集

七言絕二

十二

荒臺落日舊山河四顧青青匹馬過千載霸圖銷  
歇盡慕容塚畔曠烟多

讀雪浪石銘

昔人愛石築茆亭亭廢重來讀此銘彷彿句中風  
雨集驚翻雪浪晝冥冥

贈王子極將軍

風清上谷戟凝霜緩帶輕裘蹴踘場當日嫖姚年  
最少朝朝羽獵事先皇



牙旗分閫畫無譁  
扈從長揚日影斜  
衣馬五陵曾結客  
燕山爭說魯朱家

寄謝王敬哉惠書扇

客裏蹉跎多難身  
雙魚遙問意何頻  
惟來邸舍渾無暑  
一拂清風是故人

二

書堂深柳坐清幽  
爲寫雲林五月秋  
瀕洞風塵頭頓白  
時從綵筆見滄洲

夏夜謁公過邸中月下聽度曲

蕉林詩集

七言絕二

十三

客途一日九迴腸  
對酒當歌度晚涼  
漫向何處嗟落拓  
座中顧曲有周郎

二

開樽小院影婆娑  
子野聞聲喚奈何  
一曲伊州塵不到  
故人携得月明多

哭王安之內兄

寂寞琴亡子敬絃  
感今悼昔倍悽然  
夜臺兄妹應相遇  
一夢人間五十年

兼悼亡室

二

總角相看骨肉親，崎嶇萬里歎勞薪。  
十霜嶺海塵中客，一夕山陽笛裏人。

三

殘春執手意無窮，何事輕塵逐曉風。  
郎抱山頭愁見月，思君腸斷月明中。

四

書來驚起涕滂沱，他日君門忍再過。  
三徑纔成人不見，碧紗晝鎖落花多。

歸途雜詩

蕉林詩集

七言絕二

十四

逶迤客路雨紛紛，野水遙汀下鷺群。  
咫尺燕山何處覓，霏微隔斷一溪雲。

二

泉甘土沃帶蘼蕪，桑柘千家入畫圖。  
約束分明經濟在，當年彷彿憶徐無。

望唐城

三

唐水環村綠樹濃，美人北去白雲封。  
何疑久旱無霖雨，茆屋于今有臥龍。

憶雪海

四



驚雷急雨過前灣  
小隊輕裝此日還  
馬上喜傳鄉土近  
綠楊影裏見中山

五

雨霽高城曉霧迷  
披衣小立意遲遲  
鷄聲店月催殘夢  
正是中山起舞時

六

遙山嵐影翠層層  
五月烟村暑氣澄  
官柳千行塵不起  
瞳矐日上慕容陵

七

蕉林詩集

七言絕二

十五

雨後新涼曉色晴  
平蕪帶露馬蹄輕  
飄然旂幟清于水  
一路黃鸝送客行

八

聯轡晨驅壠上青  
黃鸝交語太丁寧  
金九年少休彈射  
畱取詩人斗酒聽

九

去時春暮百花香  
歸日薰風動夕陽  
物候那堪林裡度  
千村麥熟壠雲黃

十

金臺揮手謝荆卿風雨蕭蕭淚下城我去君來  
聚散草堂回首不勝情

憶藹公

初夏同藹公遊不燕園次韻

聞說茅亭長竹孫東郊遙指綠陰屯接離倒著休  
柑笑何似山公醉習園

二

牡丹闌畔送新香蛺蝶翻飛過短墻一徑薔薇清  
露曉三分春色在長廊

三

蕉林詩集

七言絕二

十六

槐覆高樓燕語喃桐陰深處有精藍不知古佛傳  
何代長伴禪燈冷石庵

四

臺廠凌虛攬衆青萬竿修竹隱蘭亭花飛已借藤  
爲幄樹老還將栢作屏

五

桐下開樽醉晚霞燕山詞客擅才華停杯顧秦  
青曲半入鶯聲度碧紗

六



聞歌漫自羨陶朱樹隱當年乞鏡湖鴻羽冥冥高  
避弋何須官貴執金吾

七

青鞵白帽試春衣携手斜陽望翠微廡下愧非荀  
氏里德星此夕定光輝

八

漠漠輕雲剪剪風酒闌乍喜雨空濛歸途暝色猶  
堪醉春樹人家野水東

登樓納涼

蕉林詩集

七言絕二

十七

披襟愁見晚雲紅避暑移床納遠風夜色滿樓半  
斗逼萬家烟火有無中

喜雨

暑病侵尋晝閉關乍聞簷溜破愁顏小樓危坐涼  
如水倚杖遙看雨後山

若水弟招飲南郊觀荷

石梁平沼葉田田斜日樽開荷菱天安得月高同  
蕩槩西風載酒水蘭船

二

楊柳風前聽轆轤柴扃石磴未荒蕪他年擬傍池  
邊老解帶無煩乞鏡湖

三

面面芙蓉隱蟹庄鳧鷖爭浴亂橫塘一樽人坐荷  
風裏百道飛泉帶夕陽

四

逶迤秋草引陂陀流水聲中子夜歌折得碧筒人  
半醉菰菱深處暮涼多

輓傅哲祥使君

蕉林詩集

七言絕二

十九

兩袖清風一卷詩凌川家學信如斯帳余久誦臨  
叩賦把臂文園病渴時

二

佐郡翩翩自不群嚴城袍鼓夜稀聞訟庭三月清  
如水纔發棠花哭使君

遊衆春園拜韓魏公像

巋然遺像古城隅經略當年憶壯圖依舊中山秋  
草碧祠堂寒鎖月明孤

二



魏公賓佐此淹留  
淡日疎烟草樹秋  
千古峴山堪墮淚  
殘碑讀罷想風流

三

衆春花木竟如何  
三徑于今但薜蘿  
滄海幾遷遺址在  
還疑秋色此中多

四

高臺荒榭草茫茫  
避客鴉飛帶曉霜  
寂莫庾樓歌吹冷  
西風俯仰一沾裳

曉發中山

焦林詩集

七言絕二

五

中山半歲再經過  
發發秋風曉渡河  
回首吾廬慙遠志  
鴈南飛處白雲多

慶都縣遇中秋

是日微陰夜半月始皎然

荒城古署坐斜曛  
淒切鳴蟲四壁聞  
濁酒一樽露下始  
知今夕是秋分

二

薄霧輕陰暮未開  
虛堂寒影濕秋苔  
夜分但聽厨人語  
天柱峰頭好月來

再宿上谷邸中

短衾孤燭伴熬床  
夜夜鄉心聽漏長  
今日經過如夢寐  
依然前度舊劉郎

張桓侯廟

風急沙飛古戰場  
三分事業久荒唐  
祠前不改河山舊  
秋雨蕭蕭掩白楊

二

重瞻廟貌夕陽中  
百戰艱難國士風  
英爽如新還薊北  
忠魂遺恨滿江東

涿州遇雨口占

蕉林詩集

七言絕二

二十

斷橋泥滑水生瀾  
雷雨前村路幾盤  
莫向蠶叢嗟鳥道  
崎嶇此日是長安

遊恩惠寺

琉璃橋畔水潺潺  
日照經樓白晝閒  
昨夜松門秋雨過  
晨光嵐影滿西山

長楊店土人呼爲小蘆溝

狐臣三載去  
皇州千樹桃花落  
葉秋當日種桃  
人在否西風掩淚小蘆溝

渡蘆溝橋



咫尺紅雲繞鳳城去來萍跡此春明湯湯無恙桑  
乾水猶是青門送別聲

題松溪談道圖

松風謾謾水粼粼共話長生迥絕塵多少朱門新  
意氣溪邊笑煞兩閒人

寄懷同年金又鑣

守汝寧逾十年

良朋出守十年餘共道清風壁挂魚神爵政成流  
俗美汝南月旦更何如

題畫

蕉林詩集

七言絕二

三

溪橋流水遶山村虎落蕭蕭晝掩門一卷南華千  
樹雨疎鐘遠寺又黃昏

暮春郊行

御溝西去覓殘紅春鳥關關水面風十里朱樓簾  
半捲夕陽城郭綠陰中

二

千載繁華此帝都酒旗歌板醉醜誰知柳岸  
風烟好十丈塵中有玉壺

袁六完都諫召飲馮莊觀海棠

韋祠當日花盈樹零落紅香冷杜鵑今向馬園花  
底醉帝城春色此中偏

黃門載酒試春衣紅滿枝頭綠尙稀春色二分君  
自管東風莫放一花飛

冬夜觀伎演牡丹亭

玉茗千秋絕妙詞玉人檀口正相宜中丞含笑頻  
賜客那識江州泣下時

二

蕉林詩集

七言絕

三

艷舞嬌歌絕代無高燒絳燭照鸞輪臨川面目何  
人識今認王維舊雪圖

三

優孟衣冠鬼亦靈三生石上牡丹亭臨川以後無  
知己子野聞歌眼倍青

四

紅牙偏稱玉搔頭今日盧家有莫愁曲罷酒闌雲  
未散熒熒燈火下朱樓

昭性兄令休寧無茶寄戲作



陸羽茶經似可刪龍團誰信產名山年來徒有相  
如渴茗椀泉鑄盡日閒

蕉林詩集

七言絕二

三

10869

